

朝汶子血三思賦宗達公文十修譜序

蓋譜帖之必修者何也余聞祖宗乃后代根基猶水源木本得无溯乎惟譜牒叙祖宗之淵源紀先人之勲業飭子孫之敦倫賦來者之稽考且能明世係知派別記生歿載墓址繼往开来誠不可少者之实录也豈不宜乎

溯中華民族數千年之文明史无不稽自前人之遺墨也夫國之有史猶家之必有譜也史以載治亂而知興替使勲業長昭忠奸有別譜以別尊卑而明世係倫常有序孝悌咸遵亦是優化民族促進安定之盛舉也誠如是譜之所修乃補法律之不及佐典籍之不足者之謂也其義逮之遠也

據史載我黃氏為南方巨族考其世澤遠矣自陸終公受姓以來歷朝十餘代簪纓

继起代有其人后人引以为荣如歇公霸公入相香公孝行无双肃公诏为尚书封于江夏宋之中叶登进士者四十八人甯州庭堅公为龙图阁学士誉江西诗祖名齐三蘇稽吾族煌北之史忠贞义烈孝悌廉明之士代有斯人旧谱之述备矣然则我祖朝汶公自双井迁平邑之九峯以来子孙螽斯叠衍迁徙无常至我達公由平邑迁居汨罗之蘆冲復迁本邑之大坪墩迄今已二十有一世矣公率子孙披荆斩棘拓地开疆历数代纵横四五里莫不为公之基业也后人纪公之勲业他族仰公之德望以地命名将吾境之黄沙滩山脚里墩上悉呼之为黄宗達山亦命之曰宗達公山其山场所辖甚广东北垣蘆冲及喻姓之田塋西南临河流水库之滨沿悉为公之遗业也其滋福子孙德莫大焉公豁達大度高瞻远瞩命次子益大公拓业於湘阴白雁塘黄家湾越三代惟利公分迁湘邑檀木港今皆枝繁叶茂皇巳盛族也则入仕者众美聲佈於邑下茲后我族先辈有识

者代有迁徙诸如平邑之鍾洞巴邑之八仙桥皆公之裔也据谱载不下十余起罗布四方星散湖广四川等地蕃衍子孙计在两千余众嗟乎本属未能悉数参修甯不慨叹乎余不敏欣逢盛世有幸会同本族之梓政勝凡笃才龙章公荟萃五邑之族尊伟生漱泉黄標等诸公发起十修之倡議溯本寻源奈昔年代湮没世事沧桑家乘毀无几矣以致派序难稽渊源易混同宗视为秦越血统缔为姻缘必欲矯枉豈非易事然大义攸关山呼嚮应凡敦族谊者莫不欣然诸公跋山涉水不辞劳顿驱车徒步行程数千筹万元之资合五邑之族共商族是茲此倫常有序昭穆无乖壬申付梓谱已告成今展卷一覽似千山之绵亘主峯可辨如百川之奔流大海齐归自是渊源可溯祖武能绳光前迪后世代堪垂先灵告慰来者可追是为序

宗達公裔孙第焜义安謹識

十修谱序言

回顾曩昔读书经尧典有克明俊德以亲九族九族既睦平章百姓百姓昭民协和万邦这是说明先有亲情而后才有家族由家族再扩及到宗族由宗族融洽各民族然后凝聚成一个国家进而协和万邦和平相处此种由疏而亲由迁及远乃世界人类结合之起源久之形成一种亲情伦理关系并成为我中华数千年来传统文化之精髓亲情家族宗族渊源於人的血统与天性祖先发扬光大遗传后代子孙永远最崇的升华

我祖自陆终受姓繁衍绵延发皇滋长早已成为一大姓氏薦熙弱冠背井离乡在外五十多年所到之处都有姓宗亲聚族而居或独立自持从事士农工商各业且有世

代簪缨或家财万贯或在军政界担任要职为国家牺牲奉献为人民创造福祉者颇不乏人现今黄氏宗亲散居全国各省市县每一角落以及迁居世界各国者其总人数究有多少实无法统计昔日英国有大英帝国无日落之豪语我想地球上太阳所照亮之处即有我江夏黄氏宗亲倩影之存在也夫族之纂修旨在承先启后详世系分长幼依序登录以供后辈慎终追远查考之准据本族自九修迄今历五十年之久世事沧桑人事变迁极大兼以此次十修联合平江湘阴岳阳浏阳长沙等县宗族共襄盛举编修工作倍加繁重所幸各执事族长学海渊博才华洋溢经验丰富热心负责定可获得圆满成功

一九九二年於台湾旅次

朝政大文公裔孙薦熙号丰才谨識

黃氏十修譜序

祖宗為後代之根基猶木水之有本源也故祖宗不可不親宗廟不可不崇丘墓不可不葺而族譜更不可不修蓋譜牒上序先祖發脈之由下飭子孫敦倫之意明世系知派別生歿有紀墓葬可詳朝代陵替永著楷模事績長留馬鬣千載而可稽龍飛萬世而可攷誠為子孫承先啟後繼志述事不可少者之實錄也吾族先祖自陸終公受姓以後名於漢者有文疆公名於宋者有山谷公煌也史乘洵可稽矣自是後嗣之藩在南宋之季具由寧州修水遷於平江九峯之朝汶公者建立黃氏宗祠蓋千余年矣名著湘北历年既久支派宏開又遷徙者不一散居平瀏長岳湘汨市县等鄉村約計族人數萬安溯吾族家譜之修自文節公創始而後仲誠公於明正統十二年繼而修之屢屆協同朝桂朝儒朝政朝樸朝垣朝衍等房修成譜牒迨至民國辛巳九修矣迄今五十載尚未復修能无

慨叹乎其原自新中国诞生以来各行各业突飞猛过举国忙於革命而谁顾及谱事耶
现子姓之多星散各地形成知姓不知派知近不知远知今不知古凡祀宗庙序人倫孝
敬慈爱木本水源豈毋忘乎迨至今日苟非重辑正如欧子所云唤若鳬雁者乎时逢盛
世岁在辛未三江宗達房勝凡会同几峯伟生逸民等诸公就九届合修范围发起十届
倡修於麥秋各集县房族代表敬宗收族阐修谱之意义唤起族人开展十修谱牒振臂
一呼各房响应在十修中余随伟生逸民等先后往岳阳之西塘湘阴之脍鱼汨罗之黄
家寨长沙之白沙桥蒲塘金井平江之南江张市西江河东擁江清潭狭境跨过长浏交
界之龙华高峰直達浏阳社港边山黄家山黄浒洞等地费时一年跋山涉水往返千里
深得各地房族釀资彙稿辛未年底开刷壬申荷月刷止历经載餘谱牒告成愿后者来
之卅年继而为之庶奕叶飘香蒸嘗弗替是为序

朝汶子丑四志淮公裔孙甲晃字郡成号標拙撰

十修谱序

据中国科学院遗传研究所记载我黄氏为南方五大姓之一诚然黄氏之世泽远矣自陆终始祖封黄受姓以来迄今历十余明代其间文人蔚起世代簪缨如歌公相楚霸公宣帝时入相香公孝行博学有天下无双之誉肃公诏为尚书受封江夏郡宋之中叶同登进士者四十八人居南昌宁州双井之山谷公为龙图阁学士名齊三蘇聲振古今历代祖先齐家治国英豪勋业不乏其人旧谱已悉无俟赘述

我族自宋末五十六世祖由江右迁入湖广奈各祖地居辽远派别支分难以稽考

惟朝泰朝桂朝儒朝汶朝政朝垣公之裔散居平汨浏长湘岳如朝桂裔仲明公徙居平江清潭街官公於康熙二十八年由清潭分居平西流芳庙坳上考上述各朝同出一源皆以岑川九峰为我祖之摇篮故历届宗谱多数合修憶辛巳年先父笃生与九峯贡廷雨霖公狭境可弘公等正倭寇入侵连年兵燹之際荟萃五邑子孙纂修九届宗谱迄今五十载矣嗟呼世事沧桑变迁多故家乘毀之者居多谱帙殘存者极少以致派序难稽渊源晚混宗亲族党不无秦越视之族谱之修其首務矣

今逢盛世建设文明九峯伟生漱泉黄塘黄標大坪塢义安诸族翁倡议十修宗谱深慊素愿夫家之有谱猶国之有史史以載治乱而知兴衰勲业昭於云汉谱以别尊卑

而明世系倫常炳若日星本合家而成族合族而成國唯有提高民族素質弘揚民族愛
國精神則華夏振興矣諸翁以此敬宗收族之舉而為齊家治國之謀其意義豈不深且
遠耶我族譜之修大義攸關故振臂一呼群山嚮應凡敦族好者莫不欣然從公今族譜
告成一展卷間如觀千山之綿亘各有主峯觀萬水之奔流齊歸大海淵源可溯祖武堪
賡庶幾正本清源光前可迪帙完簡備裕後堪垂我黃姓則無愧於南方之世族矣是為
序

裔孫第模種培敬撰

九峯黃氏十修譜

孔子云家齊而后國治國治而后天下平斯言其可思矣然則治國本乎齊家其家何由而齊也蓋譜之修是齊家之道也述祖德追宗功以开后世之愚蒙敘昭穆別宗支以明親親之義嚴禮法敦忠孝以佐國法之幽化者也故吾黃氏自宋龍圖閣學士山谷公其子相受命大理寺丞奏請聖上而創一譜牒以來历届之首士莫不外乎三者之義也然在封建王朝无不以當時是務迨民國辛巳歲而我先考雨霖公蒙全族之委任督修九修續其凡例有以異乎古予謂非敢然也因時制宜之意耳辛巳距今五十年矣宗

庙有黍离之吧宗谱遭回祿之災时易也迁感慨係之兹值辛未上巳扫墓之辰而远近族人皆曰如兹盛世曷不续修宗谱如若不修俟久远虽山巖屋壁难访矣因以其数考之则过矣以其时考之则可矣如是以族叔伟生公为首书告全族而发倡修焉振臂一呼群山响应若百川之奔大海如万笏之慕主峯有朝泰朝桂朝儒朝政朝显朝垣朝衍朝宾以及我朝汶之各房子姓莫不雀跃選贤任能而语焉皆热心於齐家治国之道郡成族兄义安族臺起草凡例薦兮谷访種培诸先生各撰序文谷良朋標二叔勝凡族兄監察局务寿仁炎德集资计账而逸也亦尾随诸先生之后敢不效命於前歟逸则日夜匪懈寤寐思之九修尚有異古而十修迨有甚焉其由何耶因社会在发展人民在前

进政治日新旧制既废之故耳虽有异古实非反古也盖此届谱之修不得歧视民族必须
以宪法为指南唤觉我族房众遵守各项法纪弘扬民族爱国精神提高民族思想素
质以忠孝慈爱是务此作谱之宗旨也是故委身报国之谓忠先意承志之谓孝嚴於礼
之谓慈热心本职之谓爱诚如是则家能齐推及各姓族如是各种族亦皆如是天下何
得而不平乎而国必治矣若不以序言为非此届之谱豈徒作哉务望后之来者发扬光
大聚族於斯

朝汶孟一思舟房裔孙甲澄逸民敬撰

志清公允珊房序

家有谱国有史其所由来远矣吾族自陆终公得姓受氏以来至汉尚书令香以孝行著闻受封江夏郡族姓繁盛星罗棋布实难统绪

溯大洲宗支世系档宗太史龙图阁学士山谷之裔孙朝汶公由江西修水双井迁居平邑九峯有数百载之久矣而吾支祖允珊公又从九峯迁至大洲已历十八世也允珊之子文儒文儒之子秉邦生男有四长希昶殁次希忠定居爐坪三希思定居栗树园四希隆后嗣罗多分居黄家垅同家條郑家坊三处现总计人丁五百多口上届九修是於民国三十年辛巳岁在九峯总祠合修至今已有四十余载若不续修乃至淆紊不明

又何疑哉为此吾大洲分祠族长特生湘华與建同构良等倡议邀集本支祖允珊房后
嗣代表计论就近范围续修谱牒防族不紊選出理事人念祖情深克己奉公講節約尽
义务不计报酬为完成本宗支十修家谱贡献一份力量并命吾作序以纪之上可以见
百世之渊源下可以垂万代之统纪息今以后望诸热爱祖国奉公守法睦亲尊长入孝
出悌课读督耕克勤克俭无骄无吝忠孝两全斯能追美前人光大门閭不负祖宗之遗
训愿与宗亲互相共勉

裔孙嘯皋拜撰

公元一九九二年壬申七月

南江思淮房十修谱序

族之有谱犹国之有史也。无国史何以明治乱知兴替辨得失之迹。无族谱何以明生齿序昭穆辨祖宗之源。故族不可无谱。犹国不可无史也。为国史者重在纪实辨忠奸。察本末秉笔直书。以备后人之借鉴也。如晋之董狐。齐之太史铁面无私。据实纪之。为千古良史。此史之可信也。苟媚上求荣。若陈寿之作三国志。屏汉而不顾。以魏为正统。颠倒史实。招后人之耻笑。为国史者可不慎哉。为族谱者亦然。一旦失误。危害殊深。令后世子孙。亲非其亲。祖非其祖。我南江思淮房。误祖朝庆是也。考吾族。係庭堅公曾孙。朝汶之后。朝汶十傳而至淮。即我思淮房。迁南江之如祖也。乾隆甲子。谱即九峯诸族修之。衆市者也。其谱牒载之详矣。后因国事鞅掌。未克合修。又因旧谱失踪。无所依据。當事者又不四方采

訪因而誤祖朝慶世世相承不知其有朝汶久矣歲辛巳吾族石漿岑嵐先生於複壁中
獲乾隆甲子譜披閱之乃我七十九世祖普照與受臣主修者也普照係邑庠生受臣亦
當時名儒以二公之明主修族譜何疑之有王父經營房伯世度初目之莫不駭然為尋
根究底乃走訪九峯祠迨九峯九修宗譜之時貢庭雨霖諸先生董其役出示其譜牒備
知石漿之西邊南江之學里確係朝汶之子孫朝汶之七世孫萬鰲萬鰲長子福七福七
之子仕華仕華之子孟十孟十之子淮我淮公由岑川之九峯遷石漿之黃裴洞黃裴洞
之得名由此始也其子友信再遷黃公園此黃公園之得名也其孫雲柏復遷黃泥嘴因
山洪為害其曾孫有二長金萼遷南江之學里時為社學師此學里之得名也次金華仍
居石漿之西岸即今之西邊黃家是也自淮公以來累世居石漿其墓亦石漿其譜茂之

石漿不亦宜乎是岑嵐先生之所获谱足可信也砥中兄於九修之谱序中述之详矣时平江城东祠十一朝七修伊始族尊寄野贈雄先生之谱序中皆已述及咸谓吾族亲得其亲祖得其祖理所宜然已予釐正然事隔五十年族谱经久失修纵议纷纭或谓吾族之祖朝汶好事者为之或谓吾朝与彼朝兄弟也其派突尊誤祖朝汶故也兼之吾族之子姓不究根底盲目附和大有颠倒史实重蹈覆轍之势此族人之所以痛也砥中兄每与吾論及此事极为愤慨俾向之为谱者郑重其事则众说何由与起怪論何由而生前人修之后人因之溼以渭浊疑團莫解为族谱者可不慎哉倘一誤再誤我朝汶子孙何所适从上背棄其先祖下愚弄其后人仁人孝子心何以安昔郭崇韜妄拜汾阳后人非之亲人之亲祖人之祖辱莫大焉孔子曰非其鬼神而祭之諛也鬼神且不可妄祭祖宗

又豈可妄宗乎有鑒於此是以族人相識必聯合九峰兴起十修茲逢盛世且值九峯十修宗譜之時將整頓譜稿喚起族人共同奮鬥於戲駒光易逝滄桑多變時過境遷豈偶然哉向之誤祖朝庆者何當非是宋徽宗曾序吾黃氏譜曰譜豈可无作亦不可徒作是作譜之時黃童白叟皆應曉以其義苟一二人獨裁又不將譜牒公之於众令族人一无所知毋怪乎众說紛起亂宗之重演也前車之鑒幸勿忘之為后人計本屆譜牒應与平城東祠七修之派序相互輔正即平城東祠所列派序學宗周孔仁都即九峯宗譜之金枝衍庆長也其余均依此序推俾吾南江思淮房既不見棄於平祠七修之譜又能和九峯諸族觀如一家愿我族人其同勉之

南江朝汶淮公族裔孫穀訪敬撰

御序

分甯双井之泉有黄卿名庭坚者其子相一日进其族谱乞朕序朕披阅之备知其鼻祖陆终演迤而为五十三世之澤甲第簪缨蝉聊寫奕可谓盛矣可谓远矣昔老泉谱苏氏曰人之一身分而至於亲盡则视如途人此谱之作朕嘗有感於斯语而猶以未盡人情之变嗟呼亲盡相视如途人薄矣安之有亲未盡而有疾视如仇讐者谱豈可无作亦豈可徒作谱官爵之盛不如谱诗书之盛谱族黨之富不如谱礼逊之富杜房门户非不辛苦隨为不肖子孙败之崔廬门第非不高华及其泉冷僅足为買昏嫗之用耳皆不免后世之非笑然后知诗书之泽长礼逊之风远也阅茲奏请则诚人心风谷千百年不磨之典试聚族谋之儻以朕言为非欺则黄氏之谱自是万世指南悠久绵亘矣

宋政和三年八月二十日

黄氏族谱原序

黄氏係出江夏派衍福建浙江山东徽州常熟洪都甯州双井富州沅江改为远岗又筠阳三县袁州四县及吴城湾头黄金港钓鱼台湖广之长沙岳州黄州荆州武昌汉阳衡州兴国大冶皆江夏分派者也盖其先由颛顼曾孙陆终之后受封黄姓至战国时歇公相楚为春申君西汉时次公以太守入相数传至东汉文疆公以孝午博学著封江夏郡公曆琮至琬累世簪缨天下知有黄姓久矣迄唐太宗昭天下奏谱牒退新门进舊望左膏梁右寒微合一百九十三姓三千六百一家而黄氏亦与首称焉其时有陷公都乾甯五年登第任御史諫官正色公任吏部尚书榮公为教授士全公任上柱国大将军金紫银青光禄大夫璞公居荆南玘公居甯州双井琛公居金华珍公居诸暨瑕公居丰城沅

江远岡傳至宋世元仕公翰林院学士九子一壻俱登第为尚书故世称浣江九子十尚书云中理中雅伯仲十子悉登巍科长湜公居双井生子三长昭公福建漕运官御史大夫次庶公三廉公宋元佑中吏科给事庶公生三子大臨公黔州刺史谪萍乡令庭坚公由神童中乙卯科擢举进士館選翰林院官司龙图阁大学士别号山谷元佑中赠太史后諡文节公叔達公官侍御史昭之子友闻公吏部员外郎中友颜公青田县台庭坚之子相公官大理寺丞當双井一门同朝一相二御史九尚书四十八进士其宦业可称甚盛后嗣之析居诸郡者能由己祖以溯所自出之祖其成全帙则本支百世之谊不亦聊属于无既哉

明洪武戊辰赐进士出身前礼部观政行人有功授吏科都给事南昌木山门生魏洪敏拜撰

清康熙四十三年甲申原序三阳谱

姓氏之重由来尚已齐有国高晋有乐郤凡巨室大族图系掌之太史故欧阳苏氏因著谱焉以为观於谱孝弟之心可油然而生也夫谱可油然而生孝弟之心有心者曷容已乎今惟尊旭旦纠合浆市九峯增新旧牒余因有感矣盖黄与鍾咸肇于宋季世结订婚姻而嘗居此地者阡陌如故室廬依然俎豆冠裳至今不替矧黄姓诸长者皆有忠厚之德子弟莫不率循唯谨秀者力於诗书質樸者勤於耕鑿礼乐文章駸匕称盛则孝弟之得自衍世系於无既也与是为序

礼部试进士年家眷弟鍾正章顿首拜书

明 万 历 癸 未 重 修 序

创业垂统者先人之谋继志述事者后辈之分我族族谱之修自文节公创始而后仲诚公於明正统十二年纂修其昭穆世系已昭然而不紊矣厥后子姓繁衍星佈各乡苟非重加修辑则自仲优公以下不几如欧阳子所云涣若鳬雁者乎爰与同志续为增定庶不使先业墮地云

明万历十一年癸未仲夏月穀旦

郡庠生裔孙秉森月亭谨識

乾隆九年甲子三修序

吾平多唐宋故家科名特盛於宋其尤盛者首田巖之吳次黃氏焉考吳自宋之皇祐迄咸淳計甲十有四鄉舉任舍終宋詞之世而武昌男景偁公其德望宦業尤稱卓自宋以至今日鮮有起者故雖當日都其全盛而口碑落落不自邑乘不能數也黃氏不然溯朝昌朝汶朝政朝啟四公由豫章遷平江至宋而拙翁先生舉進士文章孝行為一時魁其後膺薦舉者於元則有元德拙翁之裔也於明則有黃澄淵黃燦甲選甲英元會諸人而發甲如梅岳公胸度節操與拙翁埒此其科名綿亘歷宋元明而未之或替其吾平故家之尤盛者歟所以平之誦述不能數吳而獨能數黃非其先之有傳有不傳亦其後之能

继不能继耳蓋嘗论夫延世承澤不期於迸发而期於间发以正运言之迸发则一洩而不能蓄也间发则有洩又有蓄焉以人事言之迸发则一豫而未有傲也间发则有豫又有傲焉田巖之盛其迸发者欤黄其意发者欤夫间发则未有艾矣體天尽人惟在善承其后耳茲於九峯敬典仙祝吉哉浆市稟庠诤道泰澄源氏以谱序请而述此以附赠言之意云

乾隆丁巳科进士年家眷弟朱庆旦顿首拜課

其二

古者设立宗法恩明谊美雖族属繁衍而得宗子以为之归如網之有綱如星之拱极断不至乱常易纪人心风俗之优后世此义不明綱弛极紊雖曰人心不古毋亦宗法之不

讲使然与宋欧苏二公惻然動念始创为谱牒以联属之制雖小異大約循流溯源以五世一图为准庶几猶见生王设宗遗意焉今阅浆市黄君道泰九峯敬典合族所修之谱实凜然其不苟也考黄我自得姓以来星罗密布於寰中万派千枝不可勝纪逮汉文疆公以江夏名郡子孙散处於大湖南北及他省者尤多自是由汉而唐而宋文章勲业代有傳人而黄君实宋龙图阁学士山穀公之裔也山穀公籍甯州与楚岳之平江接壤其后曾孙朝昌公迁平之浆市朝汶公迁九峯朝政公迁梧岡朝啟公迁三阳朝铉公居六坪朝宾公居市裏其曾姪朝太公居市裏象形朝桂公居清潭朝儒公居鲁家段嗣后生齿日盛散处日多而黄君用意遥深惟恐族属繁衍昭穆易淆爰聚涣合離联为一派其精详慎重为何如哉况乎流之长者其源远祖功宗德昭然如在目根之深者其枝榮乎

子翼孙谋族其然有條而且婚嫁有纪而万化之原端生没有纪而始终之道备墓兆祭
田有纪而慎终追远之义笃孝友节义有纪而崇德劝善之旨彰义例详悉取裁欧苏宛
然古先王立宗遗法则所以上承先绪而下啟后昆者正未有艾是恩明谊美本支以笃
劝勉以昭观於此者仁孝之心有不油然而兴矣乎兹因索言於余遂书此语以貽之是为序
钦录明通恩榜进士揀選知县暂授岳州府平江县学正堂年家眷同学弟郴阳许显森
镜亭氏顿首拜撰

其三

厥初生民莫不各有本源迨其后支繁派远或以千百数或以億万计至於不可纪极者

亦其勢使然也然本厚則葉必叢支雖繁而氣類未始不侔源深則流必長派雖遠而厥
緒未始不貫又非理所自然者哉余嘗翻閱國史暨萬姓統紀見吾宗自得姓受氏以來
源流世系朗若星羅至戰國時楚有春申君名歇與孟嘗信陵平原同稱四君以食養士
數千人豪於一國後嗣居楚者為最盛至漢有文疆公香產安陸為尚書今出守衡郡封
江夏公故吾宗以江夏名郡者昉於此矣曆唐至宋代有名一支遷南昌之甯州地名雙
井產文節公為宋龍圖閣學士詩文與三蘇齊名其支派尤甚盛由豫章復遷楚之南北
則族類散處於各郡者又不勝紀雖各祖其祖各親其親而木之有本水之有源不可不
詳其從來以究所靡極也岳陽與豫章為鄰省而岳屬之江尤與甯州為最近自山穀公

一再傳而后至朝昌公迁平之漿市朝汶公迁九峰朝政公迁梧岡朝啟公迁三阳朝絃
公居六坪朝賓公居市裏以及朝太公居象形朝桂公居清潭朝儒公居魯家段嗣分处
各乡及於巴陵长沙浏阳湘阴卜宅者皆其支派所貽留也今族姓繁衍欲续刊家谱以
上序昭穆下立派行使世世子孙有所联属不至视於路人意诚美也时则有本市名道
泰食餼于庠者与九峯应试诸宗人名庆綱庆櫻庆廸庆明衍拔长燭及三阳先后游泮
名周臣應律孔霽大州长华吾邑廩生名升都同问序於余余谓欧阳公修家谱上及五
世因服以袒免五世以上恐荒远难稽至眉山苏轼其修家谱亦访廬陵遗意焉亚圣所
谓君子小人之澤五世则覩尽服降是已今遐考吾宗自周汉迄宋以来非攀援附会也

亦猶尋山之本於崑崙溯水之源於宿海不忘所自耳至若近代富貴顯過赫乚在人耳目間者概不敢妄及繼自今修譜而后愿與吾宗約必入孝出弟以愛親敬長為大節存忠行信以戒欺去偽為先務以仁厚禮義為傳家久遠計且以克勤克儉無驕無吝敦睦族謙己知鄰為要圖俊秀者則誦詩讀書思以揚名而顯親樸魯者則鑿井耕田思以守業而成家由是上可繩其祖武下可以貽厥孫謀庶不負刊鐫譜牒之美意亦不負老朽耄年目昏秉筆作序之愚衷也爰書其言於簡端用以永矢勿諼

乾隆七年壬戌七月穀旦

翰林院檢討加一級特授都察院監察御史裔孫道山秀謹識

湘阴大坪墩乾隆九年甲子二修序

余族之籍长沙府湘阴县自绪茂公讳宗達由岳州府平江县之九峯迁居盧冲落石坡而衍源公復自盧衝而岐山又自岐山而大坪子孙世守时人遂以宗達名焉先明盛时拾泮芹而樹勲名者代不乏人及明季之秋兵燹流離谱帙散失生卒塋域功名事蹟漫不可稽雖间有舊帙俱属殘缺先君金寿字禎锡慟谱牒之淪亡幸世系之猶存访诸故老搜罗殘帙往往笔之纸端信者存之疑者阙之以待后人之尋繹余也翻阅手澤未嘗不思庀材刊鐫绍承前业垂裕后昆不替先君惓惓为谱之意正慙念间有九峯宗台仙

祝敬典其萃吉哉诚则啟元诸君从源溯流兼去浆市道泰先生以及三阳宗人自山谷
发脉遞及朝昌朝汶朝啟三公子姓合修连琮全牒余不禁躍然叹曰夫既有笃宗收族
美意安敢不兴水源木本之思致将先君遗篇所载之信者信之疑者考之大为纂续附
驥削无与於参订亦可以为考证之一助云

朝汶宗達公调用孙枝黻謹識

清乾隆甲子二修平北大淵朝汶志清房序

大洲之北有高峯焉其石巖巖山之下有深泉焉其水連七峯迴水轉之間有一小山名曰龟形結其口若天星之拱耀焉志清公好遊山水屬顧而樂之遂自九峯之唐冲卜居於是焉正德九年公之三子允良娶楊氏葬於龟形為萬古佳城焉有子二人當時有二龍之佳譽厥孫百億文人有龍種之美談其分派異地者姑不備錄觀其守基繼述之輩皆磊乚譴乚不侮鰥寡不畏強暴茲於漿市朝昌公裔道泰雲彩孚石飛士排上約士卜興規洞卜昌平田亞松大石嶺仲琳長塘啓若余九峯朝汶公寺前之裔孫敬典孔瑞李家山經正楓樹門琢成袁家山敬忠永秀廟灣世叨上新田建華呈瑞果合堂于序明目

沙坪殷以塹下孙畧濁水元卜北街元臣黄棠在中牛岡上捷公秩湘阴大坪玉圭躬秉
巴陵白洋燦庭鸣岐三阳街朝啟公裔驾蒼秀甫朝宗公裔用和及甕江狭境到座朝政
公裔辉六士宏会修谱牒而大洲之国仲义周岐山等便从同收族诚得人尽三之义也
因弁言曰祖德流芳澤正长兒继述不憚勞當年姓字傳家乘无忘邱墓续简端

九峯宗末庆明诚则識於日知居

乾隆五十七年壬子四修序

昌黎云莫为之前雖美弗彰莫为之后雖盛弗傳此論创守之大势然也至谱牒何獨不
然江夏黄氏族谱自宋而元而明历经修纂迨我盛朝乾隆甲子外祖道山大人暨昌

江道泰敬典诸先生仍续刊一帙溯其本原大率发详於双井蕃衍於昌江而攜家散处者几偏楚南各州郡旧序昭然无俟缕述獨是生齿繁则離合靡定歷年久则族谊渐疏考前乘纪载世系不为妄矣採訪故实不为简矣而其先或以仕宦迁或以兵燹旱潦迁者纂葺间不详可知前人未竟之事所望於后人者匪淺鮮也越至於今距甲子五十年矣自非有志者出重订而增修之烏知秦越相视不什伯於畴昔耶兹吾表兄蘭园同九峰黄君丹书浆市预兆梧岡孔班清潭升泮诸君追维先结众族而谋续修全帙既傳剞劂攜稿謁余并问序余披阅之下未嘗不吧涪翁世澤之长且远也凡事之计时日而速成者其功效必不大斯举也诸君联合五邑偏访宗支邻近者为之繫嗣裔於某祖僻远

者为之溯祖居於何地几费详慎三年而始成尽自甲子后增修户口约数万计其间邱墓里居派行世系午谊傳讚数大端條理井然了无攀授附会陋习猗欤盛矣行见孝友文章恆思追蹤往哲簪缨閥阅罔不属守家风其有功名教为何如豈第以敬宗收族論哉雖然创始恒期於今终数典不可以忘祖道固然也愿以告天下之后起者

歷任昆山上元常熟县事丁酉己亥庚子科同考试官癸未进士年家姻眷弟费志学拜課

清乾隆壬子四修平西中村流芳庙坵上朝桂房序

吾宗自陆终受姓以来其世代之变更不一所产英豪宦业照耀史冊者代不乏人遞傳

至玘公居江西艾城甯州地名双井夫人刘氏封马鞍君葬白龟池五傳至湜公字茂询

登皇祐进士官居朝散大夫湜公生子三长曰昭公字晦甫登进士官居監察御史次日

度公三曰廉公庶公生子三次曰庭坚即山穀公是也廉公生子十一俱显宦昭公子三

长友闻公居员外郎次友颜公为青田令三友益公裳元登宋进士授翰林院裳元公生

黨公黨公之子曰朝桂公迁居湖广生文路公以下遞傳至明宗公生仲明公字遂良徙

居清潭厯十世而至我彩先公康熙二十八載又自清潭徙居中村之南名流芳庙坵上

亦曰双井黄界连长沙繡壤相错饘粥於斯百有余年矣自本朝乾隆甲子年重修谱牒

之后生齿日繁邱墓累已倘不续编入谱恐后无稽爰幸同志有人纠集浆市九峯梧岡

清潭等处以及巴陵长沙湘阴浏阳各处重修宗谱俾奕懷之子姓稽考有憑将来之閥

閥无穷度尉予读书怀古之下恆思贤之后必有達人云尔

裔孙阁显廷氏仝弟陞泮敬

撰

清道光辛卯五修序

粤稽古先王建国君民锡之土以立国赐之姓以立宗宗於以立祖於以尊尊祖故敬宗

宗敬故收族夫族者一本之所自出雖千枝万派豈视若路人漠不相關哉顧吾谓父子

相近则辨分祖孙相远则联情而曆年既久或源同而流别或代异而世疎支繁派盛分散远迹之维多亲尽情衰生死庆弔不相及非有所以联属之法能尽識一本之所从来乎则谱之所係诚非细故美是故家之有谱猶国之有史国有史而傳不讹家谱而族不混是谱也都即谓之家之史可也使谱有不明则冒入牽綴而祖若宗亦因之而混谱奚贵焉吾族自陆终公得姓受氏以来散处者派衍之繁纂輯者子孙之守自宋而元而明代有傳人无事重述逮我盛朝乾隆甲子岁诸宗翁暨先嚴慮源流既久旧跡多湮爰鳩合各族竭情尽慎彙成一编然有所輯於前必有所续於后迄壬子岁预兆诸宗翁不以余固陋合志续刊深愜素愿越至於今距壬子四十年矣余不意读亚圣君子小人之澤

章五世则亲尽服降遂有感怀於谱牒故偏告五邑宗翁而所同事老成之輩白沙桥则有南楼流芳庙则有燦华凡属一本之爰言其事无不欣然乐从於是开局九峯重加修纂越两载始得功成余捧览之下支派分明瞭若指掌是知涣者由是聚薄者由是淳追远报本之忱睦宗收族之意有不油然而兴矣乎爰书其言於简策俾后之继起者用以永矢勿援也是为序

时道光十一年辛卯冬穀旦太学生裔孙联尚谨識

清道光辛卯五修子孟四公志淮房序

嘗聞曾祖故敬宗敬宗故收族此族譜之作昉於歐蘇者有自來也然譜不可不作亦不可徒作必上序祖宗發脈之由下飭子孫敦倫之意庶于譜之作無憾焉我族先世自陸終公受姓以後名於漢者有若文疆公名於宋者有若山穀公煌乚史乘信可稽矣厥後族蕃散處遷我漢昌九峯者蓋自朝汶公始也由是傳至仕雄公誕生九子族更椒蕃由孟四公而後邇迤至宗彪公而有益清益詢兩房歷歷可考逮我祖志准公始遷於黃塘

家焉然其意雖列膠庠者有人列國學者有人尤冀其繼起闕閱足以無愧於文疆公與
山穀公諸公之遺緒而后可也茲我族兄渭賢先生為五縣倡首秉公矢慎重鐫譜牒鳩
余輩共崇其事正欲上序祖宗發脈之由下飭子孫敦倫之意斯美舉也乃閱兩寒暑而
始竣夫以千百載一本之親散處為千支萬派復以五縣之千支萬派聯屬為一本之親
吾知非有尊祖之實心與敬宗收族之厚意未易臻訛余故略敘其顛末弁於卷端聊以
俾我後起者有所考據云爾是為序

道光十一年辛卯歲

黃塘裔孫從九聯科盈川甫敬撰

咸丰丙辰六修序

家之有谱所以联族属敦亲睦使涣者聚薄者淳以无忘所自出也吾族自赐姓受氏以来傳世最为久远至文节公为宋龙图阁学士念祖情深肇修谱牒而后朝桂公分清潭朝汶公分九峯朝政公分梧岡傳至仲诚公距文节公数百年乃追维 先烈始一纂修但历年既久不免蠹朽迨月亭公继仲诚公之初修於明万历十一年犹未剞劂歷 盛朝乾隆甲子岁道山敬典诸公悉本文节公遗乘董成一帙始以活字检刷支派分析炳若日星洵足为后人楷模壬子岁丹书诸公克成先绪续增定之越道光辛卯诸公益愿旧志復为编辑先人之继述如此谓非仕孝之深心与至令又阅二十余年儻不重加修辑 则祖宗之嘉言懿行远而难稽且子姓蕃布星罗於四方者支分派别亦复无可考因集宗功参互斟酌定为條例敢云修哉不过绍先人之旧绪竭情尽慎以续之云尔然

其间若官爵若諡号若生没年月邱墓坐向俱经详核其见闻所用者姑从阙苟非其亲
决不安载庶几苗莠无刺朱紫有分矣倡议於癸丑冬研求於甲寅年至乙卯始付梨棗
懃乚懃乚歷数寒暑乃告厥成功於戲莫为之前雖美弗彰莫为之后雖盛弗傳惟愿后
起者溯本尋源继继承承於弗替也是则余等之厚望也夫

咸丰六年丙辰仲夏

同局白沙房太学生裔孙菊圃发源谨識

光 緒 壬 午 七 修 序

吾闻黄河之水天上来推波助澜奔流到海惟海纳百川匯众壑所以独成其深也我族
发祥江右隸籍楚南源远流长支分派别由是星罗棋布或迁徙或宦遊散居数郡州县

者不可勝紀然其勢雖紛而溯厥本源則罔不同條而共貫第綿衍多則淵源易混方隅
隔則派序難稽故有宗親也而秦越處之族黨也而途入視之者此自古有百世不遷之
宗有五世則遷之宗也族譜之修烏能已乎我族譜肇修於乾隆壬子漿市祠其時曾伯
祖升泮公及爬沙佩韓公九峯丹書公等董其事計白綾譜念七卷存九峯舉賢經營后
百余年修輯者不一次咸豐乙卯我伯父書彩暨公爬沙房菊圃公九峯舉賢聘吾喜亭
諸公等續修之條理井井脈絡分明雖省垣合叙通譜要第舉其大概而人丁支派皆畧
而不詳未足信今而后傳自乙卯迄今幾三十載用是與九峰諸公會議續修光緒辛巳
冬祭聚族人於九峯祠妥商其事岳郡如巴平臨長郡如長瀏陰等處雖各郡州縣未必

尽归画一而愿敦族好者莫不踊躍从公众等以余为倡修欲余总理局务予方以癸未
礼闈计偕北上众皆勉之因擇廉明公正者於壬午二月进局竭力纂修襄其事者亦精
且密谱遵欧式不尔载而觀厥成此七修之举所由昉也脱稿时间序於予乚以天潢所
繁义不敢违爰即七修之始末而详记之以见啟后在承先敬宗宜收族无失一本之天
亲而已继而起者世乚子孙绍休勿替於茲有厚望焉

清光绪八年岁官壬午冬月穀旦癸酉科举人揀選知县裔孙濬敏弇氏浣手敬撰

清 光 绪 壬 午 七 修 鲁 家 段 朝 儒 公 房 辨 序

从来事必據其实名必从其旧不惟修谱为然卽修谱更无不然也我祠十一族合修大同谱原以尊祖敬宗序昭穆而纪世派傳为后世实录其當據实从旧也明矣原我朝儒公由分甯始迁平江西乡鲁家墩乾隆八年癸亥始与九峯合修族谱朝儒公係黨之三子前谱明确至乾隆五十八年癸丑始与城东宗祠合纂而我房之任局事者开蒙实与藻之支裔朝宾族相距不远隨聲附和遂致悞为藻之子由是厯道光咸丰数修未及究竟今光绪乙酉纂修通谱得援九峯旧谱以正其悞则今日儒公之裔仍宗黨矣非为改旧突以復旧也夫数典而忘籍氏貽譏幸九峯之家乘猶存俾我后人有所资攷揆诸尊祖敬宗之义庶几其少安也夫

光緒十一年歲次乙酉季冬月穀旦

朝儒族裔孫全識文仕公一十四代孫漱泉際清氏沐手敬書

清宣統庚戌八修譜序緒

萬物本乎天，人本乎祖。不循其本，將祖宗之嘉言懿行，與夫生沒時代，塋墓首趾，茫然不知。且某也為吾祖之子，若孫某也為吾祖伯叔兄弟之孫。若千枝萬派，布滿人寰，有相視如途人者。久之，昭穆混淆，將冒認梁公者有之，妄拜汾陽者有之。此廬陵歐陽永叔、興眉山蘇氏所以痛心言之，而慎重乎宗譜之修也。范文正公有言曰：「吾族之於吾，有親疏。而自祖視之，則無親疏。」故其守前唐時，過姑蘇，與族人高會，即遍閱家集，續為宗譜，俾

范氏之世次釐然可考古今来能敦仕孝之实者未有不汲匕於宗谱者然谱不可不作亦豈可徒作昔宋帝宣和之序吳氏谱曰谱官爵之盛不如谱诗书之盛谱族黨之富不如谱礼让之富旨哉圣謨洋匕诚千万世作谱之圭泉也我族之谱代有作者明初以前无论已逮明正统丁卯一修万厯癸未二修清乾隆甲子三修壬子四修道光辛卯五修咸丰丙辰六修光绪壬午七修迄今几三十年古者三十年为一世以其数则未过以其时考之则可也岁己酉族众倡议续修诸父老踴躍从事至庚戌集稿校对付梓告竣合大邑人众荟萃成帙灿然图谱之世观也今夫百川異流会归於海然后九州无泛濫之虞也万户分门合纪诸谱然后六邑有联属之谊尚书言亲睦周礼言孝友睦婣任恤重一本也天下恶乎平平於修齐乎於人人亲其亲长其长方今宪法新颁注重自治自治

由己身暨血统始天積无数星宿而成天文地積无数方里而成地学人積无数自治而成盛族吁时势造英雄英雄造时势览斯谱之成淋漓感激肫然以孝弟自治孝弟为为本而后万事万物有所依据於是奋勉乎德育智育体育彪炳乎立德立功立言用以光大门闾撐持宇宙我黄氏孝友家聲汪洋雅度安知江夏文章颍川政教西江诗派之盛不再见於今日哉先贤谓管攝人心收宗族厚风俗使人不忘本须是明谱系收世族立宗子法是则因时纘承前事之意也夫

宣统二年庚戌岁子丑冬月穀旦

同知銜优附贡生裔孙甲芳勉钦浣手谨撰

黄氏九修宗谱序

吾乡居与平江县接壤县之北部有九峯山焉矗立云端尊无与竝其支脉若龙蛇起伏犇放数百里而其势未竟有族黄氏自南宋之季迁居於此毓秀鍾灵保世滋大迄今盖千余年矣其苗裔繁衍于长沙岳阳之间畊者力作无非分之營士亦端醕率曾閔之行岳樵前辈更其族之望也昨岁郵书去族之贤者慮世变益劇族散难收亟修第九届通谱将成督愚为序愚慨想乎中华以倫理建国周孔所傳诗书所载必有人倫而后有政事有政事而后有国家公刘开基即以君宗并重左氏傳載晉执戍蠻子以鼻楚匕司马致辭邑立宗焉誘其遗民吾先王藉以内结人心外拓疆宇所谓不以力服人而以德化人者胥恃此亲匕之谊为傳统之法宝由今语释之即国防組織是也乃淺識之士数典忘祖辙目为封建流毒欲一举而废之致昭穆世序之不明同姓通婚之不避邪说暴行一唱百和譬彼舟流莫知所届此国本之所以動摇大乱之所以不息也呜呼孰得起而振之獨黄姓君子於干戈扰攘将恤未遑之

際勤勤以合族为务施于有政是亦为政其谊顧不重欤昔召穆公思周德之不類故糾合宗族於成周而作诗曰凡今之人莫如兄弟賢者用心古今合轍矣吾愿其族之長老率其子弟推本始祖之意益敦孝之行以厚人心而培國本則天之所相必有巨人長德巍然挺生如九峯山之倚天拔地繫人瞻仰者區區不敏竊忻慕之

福建建設厅厅长朱玖瑩敬撰

第九修通譜序

天下之大姓族深繹而成也國家之治亂亦姓族隆汙所致也自宗法不明而大宗小宗茫无統系披離渙散鳬雁貽讥循至天倫陌路骨肉途人變亂相等一室也而戈予構衅

一气也而瓜蔓兴操尚何族好之可主更何国本之堪问耶浅近之士偶事排纂而亦舍本求末辄於人类之多寡门望之盛衰兢匕致意迄无何项特殊观念推明阐发进为远大之图有宋中叶如吴中范氏庐陵欧阳氏眉山苏氏皆一时名宿修明家乘纳一族於礼法范围钜制洪规久为保世滋大之柯则平邑浏前县长有见及此曾以族治其族主义责成各族之贤而有德众望所归者禀承若祖若宗之遗训提挈族中子弟共趋於礼门义路俾毋越軌犯分流入歧邪匪僻之途良有以也我族自宋末五十六世各祖由江右甯州迁入湖广等处者地方辽源支分派别稽考难周惟朝泰朝桂朝儒朝汶朝政公及诸公之裔散居长岳各属者类皆依附白绫老谱以平北之九峯为根据地有明以来

历届宗谱多数合修自八修迄今年例既符进局更迫玉亭贡廷克明可弘笃生诸宗翁
有感到公之意深恐再事稽延世变益剧至有秦越一门亲疏莫辨之势甚或趨邪附異
积垢叢愆蹈国憲而辱家声者尤不堪过问此玉贡两宗翁所由代表全族苦心孤谊奔
走长平阴浏各处大聲疾呼多方啟迪雖岳临一带势多阻绝亦不憚函牘纷驰转相号
召幸而大义所关振臂一呼羣山响应即向成隔阂人失联络者莫不闻风兴起踴跃相
从综计远近投稿者大小数十支男女生丁达数十万有奇分條晰缕编纂为难深幸當
局诸公筹备多才进行得力雖迭经兵燹而加意护持并能缩短时间尅期蕙事枝匕叶
匕扶苏一本者一展卷间而千山磅礴各有主峯万水朝宗齐归大海诚全族之巨观一

时之盛典也顾谱牒关系人但知为合族之仪型而不知为谋国之根本各宗翁出入沧桑具悉乱端所肇实由各姓族弃其责不能以严明家法防范六庭整齐子弟之所致因藉敬宗收族之举为致治弭乱之谋家规家训深切著明冀以敦伦飭纪牖其孝弟良知化其冥顽恶习朏朏此意属赞并诸简端用诏来叶赞适有得於此既不荻以固陋辞愿与同宗诸君子就各宗翁领导之下互相切磨勉为族中肖子毋为国内莠民一族如是推而至於千万族亦皆如是则乱机自无由而起也吾宗幸甚吾国幸甚即以质诸刘前县长谅亦为之首肯焉

八四世裔孙元赞岳樵氏敬撰

南江万鰲之裔误祖明庆辨

世之治谱片学者曰欧阳氏曰苏氏曰黄氏而以欧阳氏最为精审如所著唐宰相世系表曆叙汉世名贤与夫王吉王骏萧何望云之系皆连环继绪條理井然略无郢书燕说之词至欧阳氏尝讥司马迁不能阙疑后人又讥欧阳氏不善阙疑是故天下之事无事之证据虽铅槩剗剗亦不足以昭信其臆造附会傳闻異辞徒餽一时之耳目苟非灼具卓識者起而寻源探本摘举紕繆则信疑莫决矣吾黄氏朝汶之子孙平江城东祠大同谱书为洪公十一世孙朝庆之后湖南省谱书之亦然世已相承罔勿有異岁辛巳家嚴

式度与经营镜秋鹤楼长乐寿德诸先生重葺友信云柏二公之墓於石浆層岚先生以得於庙湾里複壁中之乾隆甲子谱谱示之为吾房长老受臣普照於前清乾隆九年甲子与九峯诸族修之浆市者也阅其世系源流书万鳌为南江西岸祖西岸者南江石浆之西岸今日西边黄庙湾里之所在地也万鳌公父为丙一丙一公父为文敏文敏公父以隆以隆父世龙推而上之朝汶公则万鳌六十二世祖也万鳌公子希澄希澄公仕华仕华公子孟十孟十公子则我五十六世祖淮公也淮公凡二傳为云柏公生子二曰必麒必麟必麒公迁学里时为社学师入以学里而名其居甲子谱为详其事更纪及我七十六世祖魁凡公矣必麟公仍居西岸其裔祥华之祖显荣诸先人皆备载录所谓洪公

十一世孙者长曰坦次曰睦老而非朝庆康熙四十二年谱敍书南江之公准与西街之朝宗具同一本是则朝庆自有之子孙不容混淆也城东大同谱所以未能釐正者良以甲子谱因世乱如藏鲁壁失所依据耳光绪间省谱本城东之谱尤不可以非之也吾父谓非寻源探本不可得事实之真相於是与層岚先生攜谱牒履芒屨冒浥暑访诸必峯祠是时九峯九修其谱董其役者曰儒庭贡林剑刚诸先生出示其谱牒且证九峰石井洞架上盆形而一公之墓根源所自

纍黍无差朝汶之为我祖尚何猜疑之有哉太史公自序有谓取之谱牒晋书杜预傅有谓参考众家谱第唐书经籍志谓谱系以统世族继序北史高谅造亲表谱錄四十余卷

自五世以下内外曲尽蓋谱牒家史耳国史必亦取材家谱家谱亦必取信国史谈谱牒者必须知史学知史学者无有不谈谱牒是谱也史也一也皆须信也孔子作春秋有所见世所闻也所傳闻也故夏五郭公不敢参以己意而断之诚慎重以昭兹来许也明太祖叙谱取五代以上之祖蓋求其信也信必嚴也若我朝汶房一百数十年之错误修能釐正于城东祠之七修復合于九峯祠之九修将更定於湖南省谱之续修亲其祖不亲人之祖较诸尤沈之同宗余余之共姓苏何之一家者甯不判若天渊也耶司马氏欧阳氏之不善不能者亦无所措词矣而吾之谱于今益信而有微非乡壁灵造者所可也爰上溯世系而誌厥巔末於此

民国三十年辛巳十二月十一日

必麒

麟房

嶽嵩

經營

同校

鶴松

渭濱

鏡秋

瑞閭

南江淮公族必麒房裔孫砥中盛之氏敬撰